


烈祖成績

安積覺編次

卷七

伊5
742
7



門伊5
號 742
卷 7



烈祖成績卷之七 起天正十四年

西... 安積 覺 編次

天正十四年丙戌正月十日神祖如岡崎。創業記○按本書書後還濱松而不

十九日狩于吉良關白秀吉使羽柴勝雅勸神祖來京師。

時神祖在吉良謂勝雅曰吾何故入京而屈膝乎勝雅歸旅

寓伺其便神祖日事游獵而勝雅所言如耳不聞既而勝雅

請謁神祖出見之曰汝未去乎何其言之周諄乎吾甚厭聽

汝須早歸勝雅曰今使再至而公不從關白必大怒率大眾

而來伐吾來見國中城壘未修唯好放鷹不亦危乎神祖勃

然曰汝何言哉秀吉雖兵多不可過十萬吾兵雖寡能諳地

烈祖成績 卷七

理迎之險隘而邀擊之。則如摧枯拉朽耳。吾豈憂之哉。汝勿復言。若又來此。首領不可保矣。勝雅還大阪告秀吉。松榮紀事以此一節為去年勝雅信益雄久使于濱松時事。今從家忠日記。秀吉又不怒。徐曰。彼所言良是。吾熟思之。使彼來于京師耳。其夜既闌。秀吉急召勝雅及織田信雄。出見二人。謂曰。吾得之矣。二人驚問其故。秀吉曰。吾以吾妹妻之。嫁娶既成。彼必來此。若猶遲疑。則以太夫人為質。彼曷為不來。此安天下之策也。二人稱善。即使富田知信副勝雅。又使于濱松。二十一日。勝雅知信至吉田。先告酒井忠次。以其狀。即與忠次往吉良。請謁神祖曰。吾既絕之。何為復來。吾不面之矣。忠次請曰。彼以嘉禮來謁。願見之。神

祖不得已召之。勝雅知信告以秀吉之意。神祖曰。吾夙無怨于秀吉。彼以婚嫁乞和。吾豈拒之乎。二人悅。歸大阪告之。秀吉大喜。年譜創業記家忠日記。秀吉譜松榮紀事。北條氏政聞神祖與秀吉和。意甚不平。創業記。二十七日。秀吉遣信雄於岡崎。謝和親。神祖自濱松至岡崎。禮接之。信雄留二日。還清洲。神祖既與秀吉講和。慮北條氏政有變。二月二十六日。發岡崎至駿府。創業記家忠日記。三月九日。會氏政于三島。十一日。又會于黃瀨川。創業紀事。松榮紀事一說。十一日會于沼津。酒井系圖云。會于總河原。蓋黃瀨川上也。紀事正文作黃瀨川。今從之。其儀甚嚴。氏政上鷹馬及刀。神祖贈虎豹皮猩猩絨及名刀。南蠻鳥銃於氏政。國俊刀。吉光短刀於氏直。酒酣。酒井忠次起

舞極歡而罷。

松榮紀事

二十一日。神祖還濱松。

創業記家忠日記

四

月二十三日。以本多忠勝使于大阪納采。

松榮紀事曰神祖以天野康景納

采。秀吉不悅曰。家康重臣。酒井左衛門尉。神原小平太。本多平八郎等。有焉。當遣一人來。天野三郎兵衛者。吾不知也。信

雄聞之。遣土方雄久於濱松告之。神祖憤欲絕。婚雄久。頻請曰。如此則信雄大失。秀吉之心。願遣重臣一人。以成其事。神

祖許之。乃遣忠勝。附備一說。

秀吉喜饗忠勝。賜貞宗短刀。定家墨蹟。家忠日記

松榮紀事

五月朔。松平豐前守康俊卒。

久松系圖。康俊神祖異父弟。

五日。忠勝

還濱松。秀吉以其妹朝日姬嫁神祖。淺野長政護輿。富田知

信。伊東太郎左衛門。瀧川儀大夫詮益。

左近將監一益弟。

織田長益。

羽柴勝雅。飯田半兵衛等從焉。婢妾從者百五十餘人。途中

觀者如堵。酒井家次。松平家忠。內藤信成。三宅康貞等。出濱

松迎之。十一日。家次迎輿于參州西野。十四日。淺野長政寓

輿于柚原康政家。即日入濱松城。淺野長政致秀吉命曰。吾

有一妹。嫁以為箕帚妾。酒井重忠接輿。合卺禮成。將士參賀。

二十六日。神祖遣柚原康政于大坂。告禮成。康政先至富田

知信第。秀吉來勞。康政曰。吾欲見子久矣。故不待登城而來。

往年小牧之役。子馳檄諸軍。毀吾極其醜詆。當時見之甚怒。

下令厚購子首。欲以甘心。今與子之君講和。宿憾頓散。子盡

忠于其君。固吾所欲也。康政拜謝。翌日。康政登城。秀吉厚遇

之。既而康政還濱松。創業記家忠日記。秀吉譜年譜附尾。松榮紀事。神祖發兵欲討

真田昌幸。七月十七日。至駿府。八月七日。秀吉遣使謂神祖

曰。昌幸既屬我。請赦其罪。勿伐。神祖從之。竟不出師。二十日。神祖還濱松。創業記家忠日記。松榮紀事。先是神祖使將士修繕駿府城。至是功竣。九月十一日。權徙居焉。群臣拜賀。禮畢還濱松。二十四日。如岡崎。秀吉數遣使請神祖來謁。神祖集將佐議之。酒井忠次曰。秀吉之心難信。及其可信。入京師未晚也。諸將皆曰。然。故止。或傳秀吉怒。神祖不來。將殺秀康。神祖聞之曰。吾不以秀康為質。彼養之為子。彼若殺其義子。則曲在彼。吾何與焉。自古雖結婚姻。而為讎敵者多矣。吾豈畏彼。輒入京師乎。秀吉聞之。二十六日。以淺野長政。津田信勝。富田知信。織田長益。羽柴勝雅。土方雄久為使。欲送所生大政所于岡

崎以為質。請入京師。神祖許之。長政等歸報。秀吉喜。事既定。羽柴美濃守秀長諫曰。秀長秀吉弟。至從二位大納言。領大和。世稱大和。大納言。以太夫人質于敵國。武將之恥孰大焉。彼若拒命。則不如決一戰。秀吉哂曰。汝心隘矣。非汝等所知也。不聽。二十七日。神祖還濱松。遣井伊直政。本多忠勝。神原康政親族各一人于京師。以為質。由秀吉之志也。創業記家忠日記。秀吉譜。年譜附尾。松榮紀事。十月四日。神祖怒公不來。興師來伐。則本州兵馬之彊。震於關西。臣等勦力一心。殊死而戰。則雖百萬之衆。立可摧劔。今不圖全而就危道。殆不可也。神祖曰。吾非畏彼威名而讐服之。天下之亂久

矣。生民墮于塗炭。一二年來。干戈頗戢。都鄙漸靜。今與秀吉構難。則戰爭又起。四海不可一日得安。吾入京師。卒罹不虞之變。此代天下之人而捨生也。吾所甘心。卿等勿復言。諸將皆感服而退。

○家忠日記。松榮紀事。並曰。神祖將往京師。諸將皆謂秀吉三分天下有其二。有何所憚。以其所生為質哉。真偽未可量也。神祖曰。吾亦非無疑。然彼以善意來遇。吾不之信。而不往京師。則似畏彼。縱有詭計。吾竭其誠。誰敢議之。遂命留守入京師。按二書之說。蓋有所據。今此所載。古老相傳。可見神祖仁心之大。足以感動天人。故書之於正。

遂以大久保忠世。井伊直政為留守。十三日發濱松如京師。本多忠勝。榊原康政。酒井忠次。阿部正勝。永井直勝。鳥居元忠。○秀吉譜作左京亮忠政。今從家忠日記。松榮紀事。奧平信昌。西尾隱岐守。吉次。牧野讚岐守。康成等從焉。西尾小左衛門任隱岐守。牧野右馬允更稱讚岐守。十五

日。至岡崎城。待大政所來。十八日。松平家忠至池鯉鮒驛。迎

大政所。護輿入岡崎城。時無知大政所者。人疑其詐。神祖自

濱松迎夫人羽柴氏入岡崎城。使之會晤。群疑盡散。創業記。家忠日

記。秀吉譜。年譜。附尾。松榮紀事。二十日。神祖發岡崎城。留大政所于城中。為

質。井伊直政本多重次護衛之。重次積薪柴于屋旁。若有不

諱。則欲燔殺大政所。豫為其備。秀吉聞神祖上途。修館驛。設

治具。日饗數萬從者。供張甚盛。松榮紀事曰。二十五日。神祖

大阪。然諸書所不載。附以備攷。二十六日。神祖至大阪。入美濃守秀長第。秀

吉即來握神祖手。歡笑。使秀長饗之。極其精腆。○秀吉譜曰。時有開雨戶

者。關東築室。不設雨戶。從者聞其聲。疑有變。而驚。頗失色。富田知信來辨之。從者乃安。按十年甲州平原宮內之變。土屋

權右衛門關雨戶則關東已有雨戶家忠日記松榮紀事皆所不載故今不取二十七日神祖登大

阪城秀吉迎之於庭禮接甚恭尾張大納言信雄亦同至家

命而入室秀吉之臣不得入秀吉與神祖登殿守奇琛寶貨日記松榮紀事書內大臣據公卿補任信雄明年十一月方為內大臣蓋二書追書之也今訂之神祖讓于

信雄信雄辭秀吉自執神祖之手使先行從者皆從秀吉之

委積盈前饗畢使于宗易點茶宗易號利休居士當時以茶知名十一月四

日秀吉贈白雲茶壺正宗短刀三好卿之刀於神祖相宅地

於聚樂郭內命秀長造高門大廈藤堂與右衛門高虎監之

源介虎高子初事秀吉公後歸神祖為元勳任佐渡守更和泉守領伊賀至從四位下左近衛少將又授神祖

侍臣宅地名本多忠勝神原康政等談長湫軍事謂忠勝曰

我素聞汝勇名長湫之役以寡兵抗我大軍終不屈撓苟非

勇猛出群者不能如此忠勝終無矜色家忠日記秀吉譜年譜附尾松榮紀事

五日神祖進正三位九日本多忠勝為中務大輔神原康政

為式部大輔並叙從五位下忠勝叙任本多家譜係十六年今從家忠日記松榮紀事十

一日神祖還岡崎世子出濱松迎之五州將士悉來賀之十

二日使井伊直政護送大政所還於大阪秀吉出見直政饗

之使石川數正接伴直政疾其不義竟日不交一語抗言於

衆曰彼背累代之主出奔大阪所謂人面獸心者也聞者皆

笑數正之不知恥而服直政之氣度魁岸家忠日記秀吉譜松榮紀事二

十日神祖至濱松創業記十二月四日神祖徙自濱松居駿府

城定為五州本府。命土岐定政警衛濱松。創業記曰：明年二月，從駿府，考異曰：

是年九月，今從家忠日記。年譜附尾松榮紀事。十九日，關白秀吉為太政大臣，更姓

豐臣朝臣。公卿補任，秀吉譜，松榮紀事。○按秀吉公出自寒微，元無姓氏，自稱平姓，及任內大臣，稱藤原姓，故

公卿補任，從其實，而書平秀吉，藤原秀吉，至是創製豐臣姓，賜之。是歲，神祖以內藤紀伊守

信正為大番頭。信正，三左衛門，信成嫡子，時十九歲。大須賀康高請以女壻阿

部左馬助忠吉使居橫須賀，聽之。家忠日記，忠吉伊豫守正勝第二子，備中守正次弟。

十五年丁亥正月七日，小笠原貞慶、真田昌幸歸款，來駿府

謁神祖，請謁關白秀吉，神祖許之。使酒井忠次送至大阪。家忠

日記，松榮紀事。二月五日，經營駿府第二城，使松平家忠監之。三月

十八日，酒井忠次還自大阪。家忠日記。是月，關白秀吉自將大軍。

擊島津修理大夫義久。陸奧守貴久子，領大隅薩摩日向三州，刺髮，叙三位法印。參河守

秀康從焉。四月，神祖以本多廣孝為使，勞秀吉。時秀吉攻豐

後筑前之界巖石城。○秀吉譜，松榮紀事，豐後作豐前，今從家忠日記。廣孝善戰，有

功。秀吉賞之，授金鐔短刀羊皮胴服。創業記，家忠日記，秀吉譜，年譜附尾松榮紀事。

五月二十三日，松平備後守清善卒。年八十三。家忠日記。是月，島

津義久勢日窮蹙，披僧服，號龍伯，乞降。秀吉許之。參河守秀

康與長岡忠興、池田三左衛門輝政。勝入第二子，領備前，蒲叙從四位下，至參議。

生氏卿等將兵擊日向，諸城望風歸降。九州悉平。七月十四

日，秀吉還大阪。十七日，神祖如大阪，賀秀吉平定九州。八月

八日，神祖為權大納言，進從二位。創業記，公卿補任，家忠日記，松榮紀事。十七

日，神祖為權大納言，進從二位。創業記，公卿補任，家忠日記，松榮紀事。十七

日。還駿府。九月十九日。神祖狩于田原。晦。秀吉奏請以水野

忠重叙從五位下。任和泉守。授豐臣氏。創業記。家忠日記。秀吉譜。松榮紀事。○水

野系圖曰。先是忠重有故仕。秀吉公。公褒。桑名對陣。及多年從神祖。有汗馬之勞。同石川出雲守。為武者奉行。叙爵授姓。

是月。關白秀吉徙自大阪。居聚樂城。秀吉譜。松榮紀事。十月三日。神

祖還駿府。創業記。十一月十五日。臨酒井忠次第。觀申樂。創業記。家忠

忠日記。松榮紀事。閏月。召本因坊於駿府。神祖好圍碁。本因坊為國

手。故名之。創業記。十九日。權大納言平信雄為內大臣。公卿補任。十

二月九日。神祖放鷹西尾。十九日。還駿府。創業記。二十八日。轉

左近衛大將。左馬寮御監。創業記。公卿補任。家忠日記。松榮紀事。是歲。松平源

二郎加首服於神祖前。賜諱字。命名曰家乘。時年十三。給青

山忠成與力士二十五人。號久能眾。家忠日記。

十六年。戊子正月十二日。神祖辭左近衛大將。十三日。前征

夷大將軍源義昭落髮。號昌山。公卿補任。二十九日。神祖狩于中

泉。○松榮紀事。係二月五日。還駿府。家忠日記。關白秀吉奏請

後陽成帝行幸聚樂第。故神祖如京師。三月朔。發駿府。十八

日。入京師。四月三日。秀吉贈點茶名器數品。博多臺。竿頭水。指。小壺。小烏天。

目。羽節。及糧三千裏於神祖。年譜。創業記。家忠日記。松榮紀事。秀吉奏請以

參河守秀康為左近衛權少將。兵部少輔井伊直政。兵部大

輔大澤基宿。為侍從。右兵衛大輔酒井忠世。相摸守大久保

忠鄰。主計頭平巖親吉。左京亮鳥居忠政。豐後守本多廣孝。

讚岐守牧野康成。内膳正岡部長盛。大膳亮菅沼定利。並叙從五位下。家忠日記。松榮紀事。書酒井家次亦叙從五位下。按家次叙位任官。在下文十一月晦。又按松榮紀

事。左馬助内藤政長叙從五位下。據家忠日記。政長叙任在明年三月。今並不取。十四日。車駕幸聚

樂第。淹留五日。公卿百官悉從。内大臣平信雄。權大納言藤

原光宣。烏丸大納言。光康卿子。藤原輝資。日野大納言。晴光卿子。源敦通。久我大

賢卿子。神祖豐臣秀長。中納言豐臣秀次。參議宇喜多秀家。和泉

守直家子。領備前。至從三位。權中納言。世稱備前中納言。宇喜多。或作浮田。非。關白秀吉。扈從鳳輦

之後。少將前田利家。侍從織田信包。○族屬注于永祿十一年。太問記。松榮紀事。作

信兼。誤。少將羽柴秀勝。信長公第四子。秀吉公養為子。至正三位。權中納言。利家秀勝近衛少將。左右

無所考定。德川秀康等二十七人。皆騎而從。其式一遵永享九年

行幸室町之儀。十五日。秀吉使左衛門督豐臣秀秋。木下肥後守家

定第五子。秀吉公之甥。小早川左衛門督隆景子。養之。襲封筑前。食四十九萬石。至從三位。權中納言。世稱筑前中納言。又稱金吾。命神祖及秀次秀家利家。上誓書。其餘信包等諸

州城主二十一人。皆上誓書。十六日。和歌會。勅信雄神祖秀

長秀次秀家。班清華之上。秀吉譜。松榮紀事。十八日。車駕還宮。二十

七日。神祖還駿府。年譜。創業記。家忠日記。松榮紀事。秀吉託行幸。會天下諸

侯於聚樂。使徵誓書。以不貳於己。此其本謀也。秀吉譜。神祖使

松平家忠。經營駿府殿守。五月十二日。落成。遣使家忠褒之。

家忠日記。松榮紀事。秀吉遣富田知信。津田信勝於小田原。諭北條氏

直曰。今天下諸侯。無有一人不朝京師。而氏政父子坐擁數

州之兵未嘗來朝其意如何。閏月氏政遣使駿府乞與秀吉講和。六月大政所疾二十三日神祖及夫人如京師候之。八月北條氏政以其弟美濃守氏規為使來駿府十五日神祖使神原康政成瀨藤八郎副氏規往京師。氏規白秀吉曰。氏直當以明年來朝前年與德川氏所約上州沼田之地。氏直欲得之。秀吉曰。家康氏直管內之地非吾所知。他日當遣家臣一人告其曲折。氏規拜謝而退。大政所疾瘳。九月十一日神祖還駿府。北條氏政以板見岡江雪使于京師。○板見或音相近江雪初稱越中按十八年北條氏滅秀吉公愛江雪之才去板見二字稱岡氏以為近習之臣後事神祖今麾下所有岡氏其後也。又請得沼田於秀吉曰。氏直當以明年冬來朝。秀

吉曰。氏直父子橫行關東未朝京師罪不容誅。然以其為德川家之姻戚赦之不問。今遷就其辭以延歲月。明年入朝則當授沼田。江雪喜還。小田原十一月二十二日神祖如岡崎。十二月二十一日。畋于吉良。秀吉贈鷹於神祖。二十四日還岡崎。是歲奧平信昌第二子初謁神祖。以其為外孫賜松平氏及諱字。命名家治。叙從五位下。為右京大夫。時十歲。家忠日記奧平系圖。○家忠日記。此下連書世子賜信昌第四子忠明姓名。今不取。說見文祿元年。土屋宗藏忠直流寓駿州七年。神祖以其父昌恒事武田勝賴盡忠。召隸麾下。○本書曰。使越後少將忠輝。鄉慈母朝覺院。養忠直為子。按忠直後稱民部少輔。又使小笠原信嶺養酒井忠次第三子小平次信之為子。家忠日記。信之後任左衛門佐。為下

總古河城主先是秀吉授肥後於佐佐成政。成政政令苛酷。土人

多叛。秀吉召而責之。成政至攝州尼崎自殺。時人以為成政

往年勸神祖及織田信雄謀滅秀吉。故秀吉銜之。遂至罹禍。

創業記 秀吉譜

十七年己丑正月二十九日。神祖狩于中泉。二月四日。還駿

府。年譜創業記家忠五日。駿遠二州地大震。民屋多倒。家忠

日記松榮紀事十三日。真田信幸來駿府謁神祖。二十八日。神祖如京

師。三月七日。至京師。年譜創業記家忠十五日。關白秀吉授

內藤政長豐臣氏。叙從五位下。為左馬助。家忠日記政長彌

五月十九日。世子所生西鄉氏卒。葬駿州龍泉寺。號寶臺院。

二十七日。關白秀吉側室淺井氏生子鶴松麻呂。淺井氏備

女稱淀殿創業記曰鶴六月四日。神祖如大阪賀之。年譜創

忠日記松榮紀事五日。秀吉分贈所蓄金銀於親王公卿諸侯大夫。

各有差。贈黃金二百枚。白金二千枚於神祖。世謂之配金。秀吉

譜曰黃金二千兩銀一萬兩今六日。神祖發大阪。十日。還駿

府。年譜家忠日記松榮紀事二十三日。橫須賀城主大須賀五郎左衛門

康高卒。家忠日記德川神祖以康高外孫神原忠政為嗣。統

領其衆。鷲峰文集神原忠政碑忠政康政長子此後先是秀

吉造大佛殿於東山。鳩工議之。求棟諸州無之。遣人富士山

覓之。工曰有之。秀吉遣使神祖採之。運至大阪。七月。神祖命

參遠駿甲信五州諸將。差役丁挽之。一木之費黃金一千兩。

歷數年其功方竣。秀吉譜係十四年。蓋其事始於十四年。故終言之。今從家忠日記。松榮紀事。秀

吉以富田知信。津田信勝為使。諭真田昌幸。予沼田地於北

條氏直。二十一日。二使至駿府告之。神祖以榊原康政副二

使。至沼田諭之。昌幸奉命。避城致之。氏直二十六日。神祖臨

井伊直政第觀申樂。年譜家忠日記。松榮紀事。八月二十七日。往大宮觀

採棟材於富士山。九月二十六日。使甲信二州役丁修築東

郡城。鳥居元忠獻白金綿漆。十月。參遠駿三州役丁。挽棟材

至海濱。家忠日記。松榮紀事。北條氏直得沼田城。使叔父氏邦居之。沼

田側近有真田昌幸所管那久留美城。氏邦部將猪股能登

欲併之。十一月三日。發兵急襲取之。事聞京師。關白秀吉不

平。初氏直約得沼田則必入朝。而終不來。故秀吉積怒。謀擊

北條氏。政父子大懼。遣石卷左馬允于京師。分疏其事。秀

吉不聽。執左馬允送還小田原。移書氏政父子。責其憑險負

固。輕蔑朝廷。食言失信。不來京師。二十九日。神祖如京師。年譜

創業記。家忠日記。秀吉譜。松榮紀事。晦。小笠原攝津守安元卒。酒井家次叙從

五位下。為宮內大輔。家忠日記。諸士傳略。十二月九日。神祖至京師。謁

秀吉。議擊北條氏。秀吉下令五畿山陽南海東海北陸五道

發兵。將以明年東征。使長束大藏大輔正家督漕輓。神祖使

酒井家次以參遠駿甲信五州諸將為東征前鋒。十二日。神

祖發京師。二十二日。還駿府。年譜創業記家忠日記松榮紀事

十八年庚寅正月三日。世子發駿府往京師。并伊直政。酒井

忠世。內藤正成。青山忠成等從焉。十三日。至京師。關白秀吉

使長束正家勞之。十四日。夫人豐臣氏罹疾。卒于聚樂城。年

四十八。葬東福寺。號南明院。年譜創業記家忠日記秀吉譜

年六月。以大政所疾。與神祖入京師。遂留在京師也。時有小田原之役。故秘不發喪。創業

記十五日。世子登聚樂城。時年十二。直政忠世正成忠成侍

側。秀吉悅。使侍女引入室內。大政所手自結其髻。加首服。授

諱字。名曰秀忠。源流綜貫更其衣及肩衣袴。秀吉取金龍大小刀

使帶之。松榮紀事曰秀吉夫人自結其髻。今從家忠日記秀吉譜執其手。出謂直政曰。長

麻呂生質間雅。然結髮著衣。皆野樣。故吾更之為京樣。家康

見之。必當驚喜。家康朴實。故遣幼兒於遠國。吾揣其意外。雖

修禮。而其實納以為質也。吾毫髮無所疑。何用質為。汝等須

速護送還駿府。直政等拜謝。秀吉譜以世子入京師及此事。係十七年。今從年譜創業記家

忠日記松榮紀事秀吉賜直政忠世正成忠成黃金衣服。十七日。世

子發京師。二十一日。神祖召諸將定軍伍。二十五日。世子還

駿府。神祖曰。秀吉不留吾兒。東征在近。想必借吾管内諸城。

乃使本多正信本多重次掃除參河以東諸城。居三日。秀吉

果以書請借城。神祖許之。年譜創業記家忠日記秀吉譜松榮紀事是月。關白秀

吉入朝。奏討北條氏。勅賜節刀。秀吉以大和大納言秀長留

守大阪。毛利輝元留守聚樂。小早川左衛門督隆景守清洲。

隆景毛利元就第三子。領筑前。至從三位權中納言。吉川藏人廣家守岡崎。松榮紀事

孫駿河守元春第三子。長子元長蚤死。故廣家嗣。二月二日。神祖下號令十三條。整

隊伍。禁鈔掠。十日。神祖將五州之兵二萬五千餘騎。發駿府。

軍加島。前鋒屯沼津。十六日。使伊奈熊藏忠次為浮梁於富

士川。忠次忠基孫。忠家子。父祖失其稱。後任備前守。○家忠

政忠次子。筑後守也。以其襲稱熊藏。誤耳。今據碑文訂之。二十四日。神祖屯長窪。家忠日

紀事作中窪。今從年譜。是日。世子初擐甲。松榮紀事二十五日。內大臣平信

雄。及蒲生氏鄉。將兵二萬餘騎。屯沼津三島間。神祖為饗秀

吉。命管内海道城主。設假館。張治具。年譜創業記。家忠三月

朔。關白秀吉將兵十七萬餘騎。發京師。德川記。松榮紀事。作二十萬騎。今從家忠

日記。秀吉著假鬚。帶金刀。騎而行。軍裝鮮麗。觀者如堵。秀吉譜。事。

臣按。古者將帥出征。有賜節鉞之制。節所以示其信。鉞所

以專刑戮也。養老四年。以多治見縣守為持節征夷將軍。

下毛野石代為副將軍。阿倍駿河麻呂為鎮狄將軍。延曆

七年。紀古佐美為征東大將軍。竝賜節刀。大征蝦夷。天慶

三年。征東大將軍藤原忠文討平將門。建武二年。左兵衛

督新田義貞征足利尊氏。皆賜節刀。以顯天誅。自時厥後。

皇綱紐解。禮典廢圯。羣雄縱虎狼之威。宸極喪龍鳳之德。

征伐不由朝廷出。節刀之制。邈焉靡講。關白秀吉公征北條氏之不庭。賜以節刀。誠曠世之盛舉也。然其著假鬚帶金刀。務為華飾。誇耀路人。殆非將帥之所宜為。雖假王命。其實侮之。君子有以知天不祚其胤也。

三日至江州八幡山。前隊將權中納言豐臣秀次屯八幡山。故秀吉淹留數日。十日至吉田。家忠日記、秀吉譜、松榮紀事十一日將發。

吉田。自八日雨至是日。伊奈忠次請留于此。俟霽出師。秀吉曰。吾聞軍行前有川而遇雨。不早渡之。則後渡者必難。今汝柅之。其意如何。忠次對曰。此行小軍之法也。大軍而渡。則必多溺死。秀吉韙之。留三日。家忠日記、鷲峰文集、松榮紀事十四日。神祖命松

平家忠設秀吉陣營於吉原。十九日。秀吉將入駿府城。石田

治部少輔三成。隱岐守某子。後為江州佐和山城主。五奉行之一。耳語秀吉曰。聞德

川氏密與北條氏通謀。秀吉聞之。猶豫。淺野長政進曰。此流言也。不可信。秀吉意解入城。神祖聞長政之言善之。由是與

長政相親。淺野家譜、松榮紀事二十日。神祖至駿府城。謁秀吉。二十二

日。還長窪。二十七日。秀吉至沼津驛。德川記作二十八日。今從家忠日記、松榮紀事

先是北條氏政氏直聞秀吉出師。分兵守諸城。北條新太郎。

北條彥太郎。伊勢備中守。大和兵部少輔。及佐倉羽田市川。廳南高井小幡等兵。合四萬餘騎。從氏政父子守小田原城。北條氏勝。松田右兵衛大夫康秀。間宮豐前守好高。朝倉能

登守。椎津隼人池田民部少輔等守山中城。北條氏規守韭

山城。松田尾張守憲秀。左衛門尉賴秀孫上田上野介朝廣。

與安房上總二州之兵。合一萬三千餘騎。守宮根宮城野口。

家忠日記。松榮紀事。作宮崎口。今從大閣記。秀吉譜。及二書下文。千葉新介之宰原式部大

輔兵八千餘騎。守湯本口。家忠日記曰。千葉國胤卒。其子新

守。北條氏照。皆川山城守廣照。山城守俊宗子。事北條氏康。中屬織田信孝。山崎之戰。竭

力有功。復事氏政。父子。晚年剃髮號老圃。成田下總守長氏。德川歷代云。中務大輔長康子。壬生

上總介。兵一萬五千餘騎。守竹浦口。年譜。創業記。家忠日記。秀吉譜。松榮紀事。秀

吉圖箱根韭山之形勢。各諸將議軍事。諸將皆曰。小田原城

險固無比。聞有勝兵五萬。北條父子中。宜一人將兵。據要害

以拒戰。而今寂若無人。此欲使我超越險阻。乘其疲勞而八

面擊我之謀也。不然。欲使諸所城寨固守。以疲我軍。乘其弊

而一戰決雌雄之謀也。一本德川紀抄二十八日。秀吉按行山中城。

至長窪。告神祖以諸將之言。問曰。鄉意如何。神祖曰。北條氏

累世將領。家多謀臣猛士。勢當決策出戰。而至今不敢出兵。

此畏我也。其情可見。不如分軍為三。一軍攻韭山城。一軍攻

山中城。彼雖畏縮。其勢不得不救。一軍邀擊援兵。則取勝必

矣。秀吉大稱善。曰。氏政出援軍。則當勞卿以殲之。神祖曰。往

年。我將一萬餘兵。與北條氏四萬餘兵。戰于甲信之間。相持

數月。每使步卒擾之。或使將佐出戰。我能得勝。十恒八九。而

今敵據險難自戰其地不可輕侮萬一蹉跌則以後軍制勝請殿下慮之秀吉笑曰後軍我親將之素所願也以卿為前軍我為後軍則雖橫行天下孰敢禦之因問神祖曰今攻韭山山中二城敵不敢出則為之如何神祖曰二城決取其一乘其聲勢我將我軍歷古道至酒勾驛屯早河河原以塞北條管内城寨通小田原之道路殿下須率大軍直攻小田原城韭山城陷則山中勢屈山中城陷則韭山勢屈可一舉而拔也秀吉又問曰卿赴酒勾道路得無敵之城寨神祖曰有鷹巢足柄新莊三城秀吉曰如何處此三城神祖曰三城必不能守秀吉曰何以知其然神祖曰往年武田信玄以二萬

餘兵攻小田原畏其兵力諸城望風潰去况今大軍十倍信玄安得守之秀吉曰若有勇將不敢避去則如何神祖曰如此我所欲也以我部兵速拔三城在掌握中矣往年與彼對陣甲州命隊將一人率兵五六百攻筑井城不日而拔之斬勇將內藤周防守乘勢經略諸城大道寺駿河守不能守而敗走○按大久保忠世松平康國攻小諸城城主大道寺政繁棄城走見十一年攻筑井城諸書闕無所考武威所加彼能知之今親將大兵急攻諸城則勢如拉朽勿復為慮矣秀吉大喜神祖廼將兵一萬五千出長窪一本德川記抄其夜秀吉還沼津夜半召福原右馬助直孝下令曰將以明日攻山中城中納言秀次為大將中村一氏田中吉政堀尾吉

晴山内一豐。一柳直末。木村定光。堀秀政。丹羽長秀。長谷川

秀一為隊將。率五萬餘兵。進自三島直攻城。又以内大臣信

雄為大將。蒲生氏鄉。蜂須賀彥右衛門家政。修理大夫正勝子。叙從五位下。

任阿波守。刺髮號蓬菴。福島正則。長岡忠興。中川藤兵衛秀政。瀨兵衛清秀子。

叙從五位下。稱右衛門大夫。森右近大夫忠政。三左衛門可成第六子。叙從四位下。任侍從。為川中

島城主。更美作守。生駒讚岐守一正。雅樂頭。近世子。戶田民部少輔

為隊將。率三萬餘兵。攻韭山城。須雷發霆擊。急攻二城。以福

原直孝監山中軍。戶田民部少輔監韭山軍。堀秀政。木村定

光。丹羽長秀。長谷川秀一。登自山南。以據險隘。一本德川記抄處分

既畢。神祖使松平康重率兵三千騎為前鋒。牧野康成繼之。

本多忠勝又繼之。二十九日黎明。過舊山中之險。向小田原

口。秀次登峯望城。太閤記。秀吉譜。德川歷代。秀次作秀吉。今從家忠日記。松榮紀事。謂中村

一氏曰。吾陣距城頗遠。須遣候騎。得其要領。一氏召從兵渡

邊。勘兵衛了詞之。一氏卒。了仕。增田長盛。長盛被謫。仕藤了堂。高虎有故而去。號誰庵。誰或作萃誤。

曰。敵寨不甚牢固。可攻而拔之。則不及反命。立麾吾軍。請速

進兵。定約而去了。近寨視之。果不牢固。麾之如約。一氏急進

了。先登。渡邊藤右衛門。瀧孫作繼之。家忠日記。太閤記。並曰。數内匠繼之。今從渡邊

誰庵自記。間宮好高守寨拒之。一柳直末挺眾力戰而死。東國烏

合之眾悉潰走。好高及其子式部少輔源十郎。從兵一百餘

人皆戰死。一氏乘勝。攻破第三城。秀次見之。督眾競進。城兵

不能拒松田康秀池田民部少輔以下城兵五百餘人皆戰

死一氏進兵攻破第二城守將北條氏勝僅保子城秀次之

兵鈔掠倉庫氏勝伺間遁去恥其不能死守不入小田原城

與宗族從兵十八人皆雜髮退保甘繩城年譜創業記家忠

紀神祖以青山虎之助為斥候虎之介戰死松榮紀事○按

宗之亂青山虎之助與深溝九永祿七年一向

八郎同見殺豈其子耶未詳前鋒既至宮根神祖見山中

城兵遁走命諸將邀擊之松平康重牧野康成稻垣長茂獲

首七十餘級○松榮紀事曰康重先鋒阿部河內守岸上五

逃兵詐曰我輩非敵三人相謂曰汝曹皆阪東聲也何欺我

耶揮槍而進河內守下馬刺敵仆之岸下敵數輩來擊河內

守以槍幹捍之拔刀而鬪敵愈多來河內守被數創甲堅不

殊從兵生駒藤六多力健鬪救河內守敵數十人圍之藤六

竟戰死敵兵將取河內守之首我兵從岸

上雨射敵兵迸散河內守僅免附以備放秀吉到湯本堂名

諸將賜杯酒使神祖傳杯秀次出胸服三領使神祖隨意取

之神祖取其一著之秀吉又謂神祖使其一以授秀次神

祖授之秀吉戒秀次曰汝勇武信義須學德川殿其一賜中

村一氏松榮紀事○本書係四月二日神祖軍宮根山麓下

山麓秀吉公招之則不得越宮根之險而來山路四五里

豈可容易得到哉併下名世子見大軍蓋在神祖未至宮根

山麓之前然無所秀吉謂神祖曰須使秀忠見此大軍世子

來自駿府至秀吉營大久保新十郎從焉新十郎相摸守忠

加賀守時秀吉手自取鎧使世子擐之祝曰似我創業記松

四月朔神祖越足柄向小田原先攻鷹巢城拔之斬城兵七

十餘人進攻足柄城守將依田大膳棄城走近藤秀用擊破

之斬二十六人又攻新莊城守將遠山左衛門佐景政拒戰

景政丹波守直景第三子力屈而走井伊直政部兵斬步卒一百三十餘

人三城皆平竟如神祖之策年譜附尾松榮紀事粗有其事而不詳悉今從一本德川記抄

○按攻三城宜非一日之事蓋本書終言之也前鋒松平康重進自佐野口向宮城

野擊破敵兵斬首八十餘級宮城野湯本竹浦之戍兵望風

崩潰奔小田原神祖以久世廣宣阪部廣勝為候騎登二子

山偵敵名戶田忠次賜麾曰汝今日為殿指揮士卒敵將志

水上野介信久戍豆州下田寨是日九鬼嘉隆以舟師攻拔

之家忠日記年譜附尾松榮紀事山本信濃守戍田子寨向井兵庫助忠勝

以舟師攻破之忠勝中箭被創二日神祖軍宮根山下家忠日記

松榮紀事內藤家長以黃金弦月為幟騎兵五十步卒一百排列

前後扈從神祖秀吉見之遣人訪問家長馬上橫弓對曰大

納言殿廁役之臣內藤彌次右衛門家長秀吉美其軀幹雄

偉給鳥銃三十口諸士傳略松榮紀事○本書作中納言三按神祖十五年既任大納言今訂之

日神祖進兵屯佐川○佐川蓋酒匂之訛今從本書不輒改備小田原口堀秀

政等諸將超山南險隘伐木鑿巖出小田原諸軍合十萬餘

騎充塞郭外山林織田信雄攻韭山外郭破之子城未下合

圍攻之四日諸軍屯宮根東麓我兵屯今井一色之海濱家忠

日記松榮紀事秀次及關西諸將陣于宮根山左右○德川歷代曰秀吉以秀次為

神祖後軍而秀次不用命進軍神祖前神祖使村越茂助直吉詰之秀次不得已陣于宮根山半腹其餘小田原之軍事

德川歷代多諸書所無之說未知何據故神祖使榊原康政與諸書合者取之諸書所不載者不取

伏兵酒匂以邀擊東兵來小田原者松榮紀事先是內藤信成守

甲州常光寺城至是率兵而來秀吉見之問神祖彼何人神祖曰內藤三左衛門秀吉曰吾素聞其名乃召信成手賜胴

服佩刀諸士傳略松榮紀事關西及參遠尾濃之兵圍小田原城數日

城堅不拔時有流言者神祖信雄潛通城中人心恟懼秀吉聞之侍童纔五六人來于神祖之營置酒歡笑又至信雄之

營復如此各半日而去於是群疑冰釋陣營鎮靜家忠日記秀吉譜松榮紀韭山城堅守不下秀吉召織田信雄蒲生氏鄉細川忠

興稻葉一鐵中川秀政備小田原口留福島正則蜂須賀家政圍韭山城八日夜敵將皆川廣照踰城降于神祖九日我軍圍小田原城城兵放銃矢拒之家忠日記松榮紀事榊原康政設伏酒匂邀擊東兵入城者大須賀忠政之兵在酒匂阿部忠吉率之追擊之各獲首級渥美勝吉伊藤雁助篠瀨左大夫等兵三百伏于林薄東兵山岸主稅助等四五騎過其前勝吉揮槍鏖之主稅助多力揮大刀截斷槍竿勝吉拔刀與之鬪鈴木藤九郎來救主稅助擊傷二人雁助左大夫來援生擒主稅助神祖稱其勇猛釋之使康政禁止德川歷代諸士傳略松榮紀事永井彌右衛門白元長田平右衛門重元子直勝弟後更稱監物渥美孫大夫小笠

原三郎右衛門各有戰功。寬助兵衛為春蒙遣屏居。潛屬菅

沼定利。在酒匂伏兵中有功。大村市藏重信戰死。其餘伏兵

斬獲不可勝計。松榮紀事氏政父子聞山中城陷大懼。召諸將議

方略。松田憲秀北條累世之重臣。有兵數千。八州之士皆畏

憚之。長子笠原新六郎致堯素狡獪。新六郎出繼笠原氏故

勸其父叛。憲秀從之。動輒沮氏政父子之軍謀。是日憲秀密

納款于秀吉曰。諸書日關今從一本德川記抄小田原城西南笠掛山極高。

松榮紀事曰笠掛山一名石取山登此山則俯視城中。須移營於此。秀吉喜

而報曰。軍之勝敗。在汝密謀。須建功以圖富貴。乃遣人巡視

笠掛山。果如其言。秀吉陣于湯本真學寺。使士卒伐木闢榛

莽。急築城于笠掛山上。以白紙糊城壁。望之如粉堞。一夕而

壘壁悉成。小田原城中大驚為神。秀吉移營于笠掛山。與神

祖登樓櫓。謂曰。小田原城在吾目中。虛實瞭然。敵失守禦之

計。可計日而定。須以關東八州封卿。秀吉使諸軍圍小田原

城。諸將日至。笠掛營。起居秀吉。家忠日記先是秀吉使前田

利家及子肥前守利勝率賀州兵。出木曾路。利勝後更利長

納言○按此時利家稱羽柴筑前守。書牒。所謂羽柴中將是也。今從諸書。書前田上杉景勝。毛利河

內守秀賴。真田昌幸兵合三萬五千餘騎屬之。神祖發甲斐

信濃之兵。各攻關東諸城。秀吉分麾下兵為援。使淺野長政。

石田三成監諸軍。神祖使松平康國。依田信蕃子。賜姓森山

兵部少輔盛彦從前田利家攻上野松枝城城主大道寺政繁不能拒與其子新太郎出降利家隸之前隊以為鄉導創

記家忠日記秀吉譜德川歷代松榮紀事

十一日利家圍武州松山城城主上田

朝廣在小田原其臣難波田因幡木呂子丹波金子紀伊山田伊賀若林和泉等守之利家景勝攻之城兵力屈乞降利家以降兵三千餘騎隸前隊十九日利家景勝攻北條氏邦所守武州鉢形城沼田城主猪股能登援氏邦入守見北國大軍知其不可敵乞降利家許之氏邦不能獨守披剃為僧致城而去上野箕輪廐橋武州河越三城皆降于利家先是北條氏勝保甘繩城氏政遣栗田某諭之曰山中城陷非汝

之罪蓋以吾家運傾也宜來城中盡忠氏勝恥棄山中城欲以死守甘繩城固辭栗田某歸而讒之曰氏勝潛納款於秀吉故不來氏政父子疑之氏勝聞而怨之其志彌厲秀吉使黑田孝高說之降氏勝却之神祖雅識氏勝使本多忠勝誘之降忠勝遣都筑彌左衛門松下三郎右衛門就氏勝伯父僧龍達諭以禍福○伯父本多家譜作叔父未知孰是氏勝不從忠勝諭之再三氏勝遂降送質致城二十一日披僧服與子新藏繁廣來謁神祖使之謁秀吉秀吉悅稱神祖能用人也○家忠日記曰神祖使都筑松下二人諭之氏勝不聽神祖又遣本多忠勝輔原康政并伊直政諭之氏勝奉命今從松榮紀事東國諸城望風歸附江戶城主遠山景政出在新莊城戰敗走入小

田原城使弟川村兵部大輔守江戶城景政姪遠山丹波守

及真田隱岐守信尹彈正幸隆第四子昌幸弟初稱葛野市右衛門仕蒲生氏鄉後仕麾下復本姓

歸款神祖逐兵部大輔等以神祖之兵戍之二十二日神祖

使戶田忠次取之松榮紀事二十六日本多忠勝鳥居元忠平巖

親吉植村泰忠與秀吉將淺野長政木村定光等率一萬餘

兵向武州巖築城五月下總佐倉土氣東金上總廳南等諸

城皆降家忠日記結城左衛門尉晴朝初稱六郎下野守高朝子世為結城城主

將兵攻下野小山上野榎本二城拔之來于小田原謁秀吉

請謁秀吉責其遲緩不許見政宗獻其所取之地以謝罪遂

松榮紀事伊達政宗左京大夫輝宗子歷陸奥守至從三位權中納言世稱仙臺中納言來自奥州

謁秀吉而去秀吉譜松榮紀事下野佐野城主北條氏忠在小田原

使將士守城故城主佐野宗綱叔父俊綱為僧稱天德寺名

居京師黑谷家忠日記曰俊綱宗綱父小太郎昌綱弟十

為嗣將士不聽以氏政弟氏忠為嗣故俊綱怒出奔秀吉東征以俊綱為佐野城主經

略之宗綱舊臣皆屬之遂以城降氏政將多目周防大谷帶

刀左衛門守上野西牧城松平康國攻城拔之斬兩將進攻長

根城守將小林左馬允詐降康國出見之左馬允忽刺康國

殺之弟新八郎康勝立殺左馬允報讎從兵進攻康勝康勝

力鬪殲之告狀小田原神祖賞其年少勇銳給康國采邑賜

書褒美之家忠日記松榮紀事長根城作石倉城守將小林左馬允作石倉某新八郎康勝作新六郎康貞今

從一本德川記抄。康勝後稱右衛門大夫。十五日。神祖進軍

事。越前黃門秀康卿。剃髮更稱加藤宗月。築地松榮。十八日。下總白井城主原式部大輔降。式部大

口見上文。豈留守。神祖使酒井家次取其城。創業記家忠日

兵以城降乎。未詳。巖築城主北條十郎氏房氏直。在小田原城。使其臣伊達與

兵衛守子城。妹尾下總。片岡源太左衛門守第二城。二十日。

本多忠勝。鳥居元忠等諸將齊進攻之。淺野長政縱火城中。

城兵悉力拒守。長政子長滿幸長事秀吉公任左京大夫後

更功封紀伊。時年十五。戰于城門橋上。本多忠勝攻破城門。其

兵三宅理兵衛。鈴木九左衛門先進建旗。忠勝長子平八郎

忠政。叙從五位下任美濃守為桑名城主。年十六。揮槍刺殺城將下總。獲其首。

源太左衛門重創而死。家忠日記太閤記秀吉譜。忠勝之兵梶金平揮槍奮

鬪。多門傳十郎。山口嘉平次善射。多殪敵兵。下里藤八。佐原

作右衛門。江原市内。長阪甚平。小野田新五郎等戰死。麾下

之士三浦監物亦戰死。三浦監物德川歷代作佐原義成說見下。忠政中鉛而退。

植村泰忠。向阪與五右衛門。內藤源太左衛門。永田角右衛

門等。力戰有功。內藤左平政勝先衆攀城壁。渡邊真綱。長阪

源十郎重信被創。天野重次獲級。鳥居元忠。平巖親吉攻城

南新郭。元忠進將入城。城兵堅拒之。安藤九郎右衛門定正。

及元忠之兵安藤孫四郎。寺田喜兵衛。小田切又三郎。一宮

左大夫等三十三人戰死。傷者七十餘人。親吉進攻隱居郭。

城兵二人出在城外。親吉之兵將斬之。旗奉行止之曰。彼當入城認之。攻城我將有利。敵兵果過塹而入。就見其跡。設篲二道於塹中。以便出入。親吉之兵踏之得入城。三枝平右衛門昌吉破壁至樓櫓下。時正門之戰方酣。分兵捍昌吉。昌吉之姪源十郎及從兵戰死。昌吉引兵退。敵急追之。小尾監物祐光及其弟津金修理胤久又十郎久次。○祐光家系無所考。蓋二弟出繼他姓。或冒外家姓氏也。還戰拒之。祐光斬敵二人被創。久次戰死。親吉及甲州之兵攻入城中。天野宮内右衛門○按宮内右衛門景貫先是屬武田信玄父子。勝賴滅後仕麾下。平。本書名關無所考定。與城兵佐佐與兵衛接槍。河窪信俊斬城兵山口平内。下曾根刑部戰死。本多四郎左衛門被創。

親吉遂拔隱居郭。將攻子城。平巖助六先衆而進。敵數十人圍之。助六戰死。天野金大夫斬城兵山角彦三郎。城兵闔門發銃矢。親吉退據隱居郭。城將伊達與兵衛力屈將降。淺野長政高聲呼城兵曰。降者皆活之。與兵衛出降。秀吉未之知也。以瀧川彦二郎伏屋飛驒守大屋彌八郎爲使。趣之。至則城陷。長政使三使視之。三使還。小田原告其狀。家忠日記。淺野家譜。松榮事。秀吉大喜。又以瀧川彦二郎爲使。賜金裝刀於淺野幸長。本多忠政賞其戰功。神祖賜感書於平巖親吉。亦欲賜鳥居元忠。元忠辭曰。感狀所爲。銜武功以仕他邦之資也。臣非可事二君者。義所不欲也。神祖善之。淺野家譜。松榮紀事。武州忍城主成

田長氏在小田原城使其臣石卷鞞負守城家忠日記小田松榮紀事

原城兵夜斫蒲生氏鄉之營氏鄉擊却之又襲神祖之營陣

堅不動敵兵退走一本德川記抄諸書有月無日故置于此六月五日石田三成

攻忍城秀吉使佐竹義宣結城晴朝佐野俊綱宇都宮下野

守國綱彌三郎廣綱子襲稱彌三郎任侍從兼下野守真田昌幸等與三成合兵圍

之石卷鞞負堅守不下三成引河水灌之城素險固得河水

反為利拒之彌堅秀吉聞之使淺野長政為援長政遣使城

中曰城守雖固小田原城陷則無益於事不如歸欵城兵從

之乞降長政告三成三成以為長政既拔數城又得此城其

功愈大心害其能乃詐言城中有內應者我將由正門入子

宜由行田口入城必可拔長政信之渡一橋攻入城中三成

陰與佐竹義宣宇都宮國綱合謀不出兵長政孤軍不能進

城兵發銃拒之我兵死傷數百人長政引兵還家忠日記淺野家譜松榮

紀事秀吉掌書記山中山城守與成田長氏為舊識秀吉使山

城守遺書勸降長氏從之秀吉與神祖議使傳長氏回翰於

氏直曰關東八州諸城皆納欵於秀吉小田原破在旦夕氏

直速降則釋之不殺氏直見之大疑城中諸將乃與氏政議

遣使召長氏使者三反長氏稱疾不至氏政又以醫田村安

栖為使謂長氏曰吾子懷貳既聞之矣然未其實吾欲面

質之長氏對曰敵以多兵圍忍城吾不忍殺城中士女故就

山城守通款耳。氏政父子大怒。拵棘於長氏之營。使山上鄉

右衛門以兵八千圍守之。家忠日記、秀吉譜、松榮紀事是夜小田原城中

和田三浦等兵一百五十人自燒其營出走。年譜、家忠日記、松榮紀事井

伊直政將由小田原城東海濱進兵攻篠郭。白神祖曰。諸軍

攻圍累日。頗似懈弛。請攻篠郭。以厲士卒。神祖曰。須與松平

周防守。合兵攻之。若城兵堅拒。則令諸軍援之。不然慎勿擾

動諸營。先是牧野康成。松平康重攻篠郭。地勢險惡。我兵多

中鉛。神祖登井樓覽之。使稻垣長茂嚴備攻具。諸營效之。傷

夷寢少。至是神祖命直政攻之。康成按兵不進。諸軍以鐘鳴

為期。既而鐘鳴。諸軍齊進。長茂雖為康成之臣。別奉神祖之

命。率部兵一百攻城。城外有濠。直政欲架橋。長茂使搬船材。

架以為橋。鑿地流濠水於海。往來甚便。長茂多鬚。故神祖呼

長鬚褒其功。松榮紀事十四日。松田憲秀密謂同謀者曰。小田原

城陷在近。故吾就堀秀政乞降。秀吉許之。約以伊豆相摸二

州封吾。明夜欲引長岡忠興。池田輝政。堀秀政之兵。入吾營

以翻城。須豫為其備。子壻親族皆從之。憲秀第二子左馬助

直憲。名據松田系圖以色寵於氏直。天資忠慤。流涕諫曰。大人以累

葉之重臣。食萬鍾之厚祿。威掩八州。富溢東海。宗族皆浴恩

澤。子孫蕃衍閭里。今有何怨。欲圖不軌。此覆宗滅族之基也。

憲秀怒曰。吾殘喘無幾。非為身計。徒欲汝等永享富貴。故為

此舉而汝拒之。不孝孰甚焉。直憲知不可諫。曲從其意。憲秀
 悅。直憲曰。明日日辰不良。事必難成。請延一日。以十六日發。
 憲秀諾。直憲躬入鎧櫃。密至牙城。謂氏直曰。賜父之命。則告
 一大事。氏直固定其約。直憲告憲秀反謀。氏直大驚。翌日召
 憲秀。使叔父陸奧守氏照及岡江雪讓之曰。尾張守密謀。有
 敵告之者。請聞其實。憲秀曰。此敵陷我之謀也。必不可信。氏
 照江雪曰。令子左馬助告之。非敵人之詐謀。憲秀語塞。乃誅
 笠原致堯。下憲秀于獄。禁其從兵。年譜。創業記。家忠日
 記。秀吉譜。松榮紀事。
 臣按。松田直憲首其父憲秀之逆謀於北條氏直。不告則
 氏政父子被弑。告則憲秀立誅。寧殺其父而不忍其君之

就死。其心良亦苦矣。其事頗與石堂賴房告其父義房之
 反計於足利尊氏相似。事詳太平記。文和元
 年新田義宗起兵條。近世山崎嘉
 著大和小學。以唐李璿事比直憲。故世人往往惑其說。臣
 夷考其實。直憲賊子也。豈可與璿併論哉。璿言於德宗曰。
 臣之進言。非苟求生。臣父敗則臣與之俱死矣。使臣賣父
 求生。陛下亦安用之。李泌亦有言曰。璿固賢者。必與父俱
 死矣。若其不死。則亦無足貴也。及李懷光敗死。璿先刃其
 二弟而自殺。夫君父一也。璿不幸而處大倫之變。故以死
 繼之。舍此復有何策哉。直憲不能死於父死之日。而從氏
 直於高野山。及氏直沒事。前田利長。食厚祿。保首領。老死

牖下。知有君而不知有父。視息人間。恬不為恥。賴房告父之謀。而父不至死。則其罪輕於直憲。如直憲者。實為萬世之罪人。不可與瑾同日而語。甚明矣。朱子嘗論令尹子南之子雍糾之妻曰。勢不得已。則以身先之可也。嘉之學祖尚朱子。其門人淺見安正著忠孝類說。以責直憲不能死難。其論當矣。如大和小學。特舉其事與瑾相類耳。觀者審焉。

十六日。池田輝政。長岡忠興。堀秀政。潛師至憲秀之營。欲入攻城。旗號悉非。三將知其謀洩。更置戍卒。收兵還。井伊直政。松平康親。攻篠郭。鑿地道既成。二十二日夜風雨。壘壁忽壞。

城兵恇擾。直政康親指揮士卒曰。城中有內應者。宜急攻之。

縱火敵營。城兵窘集拒之。直政康親無後繼。引兵還。近藤登

之助季用石見守秀用子時十七歲。擊城兵小屋。甚內獲其首。向阪

傳藏同進得首級。小林勝之助正次○松榮紀事作平左衛門。蓋勝之助重真子。今

重利等有戰功。小笠原信元與從兵二十餘人入城力戰。直

政康親不告諸營。猝起攻城。大喊放火。我軍驚擾。流言城兵

來襲。諸營戒嚴。松平家忠整陣持重。來神祖之營曰。今夜喧

譟。非敵襲吾篠郭。中有喊聲。聞火光見。是必有內應者。吾軍

急發也。神祖聞之。褒家忠能以靜制動。

創業記家忠日記。德川歷代松榮紀事。

前田利家。上杉景勝拔關東諸城。相州筑井城主。○筑井或作津久井。

國音相通內藤大和守亦降。平巖親吉取其城。創業記、松榮紀事利家景

勝威震鄰國。合歸降兵五萬餘騎。來謁小田原。秀吉不其賞

之。利家景勝不解其意。頗怨望。秀吉謂近臣曰。兩將之功誠

大。然拔數城。皆受其降。兵不血刃。若戮一城之兵而屠滅之。

則一宥一威。其法並行。吾必厚賞之。利家景勝聞而悔之。是

日。發小田原。攻武州八王子城。城主氏照在小田原。使橫地

監物守子城。狩野一菴。中山勘解由左衛門家範。勘解由守家勝子

中郭。近藤出羽介守山下營。利家景勝攻之。城兵堅守。小田

原降兵。大道寺政繁。難波田因幡。木呂子丹波。金子紀伊。山

田伊賀等。能諳地利。進攻山下營。破之。出羽介戰死。利家景

勝攻中郭。一庵家範率部下兵三百。悉力拒戰。兵皆敗死。僅

殘十餘人。一庵家範遂入子城自殺。監物棄城逃去。神祖嘉

一庵家範能守臣節。名一庵子主膳家範子助六郎照守。使

仕麾下。年譜創業記家忠日記秀吉譜德川歷代松榮紀事

○照守襲稱勘解由子孫今在麾下神祖使照守弟

左助信吉輔佐水戶威公叙從五位下任備前守子孫世為元老

臣按狩野一庵中山家範之守八王子城。過於南霽雲雷

萬春之義烈。神祖擢二人之子。以旌其忠。所以獎掖士風

而表章臣節也。越王句踐納官其子。漢武字羽林孤兒。涵

養忠義之心。卒收其用。可謂異代而同轍矣。

二十三日神祖告近藤季用向阪傳藏之戰功於秀吉。秀吉名之笠掛山。賜二人良馬。家忠日記德川歷代松榮紀事福島正則。蜂須賀

家政。長岡忠興。蒲生氏鄉。中川秀政。森忠政。攻攻韭山城。北條

氏規在小田原城。其臣朝比奈右兵衛泰雄。○據朝比奈家譜泰雄彌太郎

某入道道半子彌太郎泰勝兄小田原城陷秀吉公給美濃守氏規子氏盛采地一萬石泰雄又事之後有故而去荆髮

號雲齋住下野足利及神祖封威公於常州下妻名爲城代子孫世事水戶固守不下。諸將胥議

樹柵合圍。爲曠日持久之計。秀吉請神祖使小笠原丹波守

監其軍。丹波守怒諸將不進。率部下兵攻破城門。以無後繼。

父子戰死。○按小笠原丹波守安次守三枚橋城而戰死其子新九郎廣勝嗣見十年九月至是戰死者蓋新

九郎廣勝而襲稱神祖以朝比奈泰勝爲使。○按泰勝先是丹波守乎未詳仕北條氏後仕

下遺書氏規。又使內藤信成誘之降。氏規奉命使泰雄授城

信成。家忠日記松榮紀事並曰氏規守韭山城神祖使誘之降氏規奉命授城內藤信成來小田原謁神祖據朝比

奈家譜是時氏規在小田原城使朝比奈泰雄守韭山城諸其與泰雄手書見在泰雄玄孫彌太郎泰瞻家今從之諸

將引兵還。秀吉使新莊新三郎石川兵藏戍韭山城。秀吉譜年譜附

尾係七月今從家忠日記松榮紀事秀吉及神祖諸將自四月圍小田原城。至

于是月。德川記時小早川隆景守清洲城。秀吉名之於小田原。

議曰。城難猝拔。我兵疲弊。情見勢屈。將如之何。隆景曰。曠日

持久。勝可必也。宜使諸軍知其狀。嚴備城兵。夜襲。歌舞游宴。

以娛士卒。亦使城兵見之。秀吉然之。高築垣於城三面。每六

十步構一櫓。有自城中潛出者。鳴鐘螺以警之。連臂蹋歌。娛

樂累日。城兵見之大困。神祖謂秀吉曰。講和設計。時既至矣。

然氏直吾子壻也。自吾通使。彼必疑之。宜使關西將士與北

條氏無故舊者圖之。一本德川記抄秀吉以黑田孝高羽柴勝雅為

使。遣于城中。以利啗北條氏。邦曰。子能說氏政父子歸降。則

當封父子以伊豆相模。賞子上野。○一本德川記抄曰。秀吉使宇喜多秀家通使

氏邦按此條氏謝黑田孝高之問遺報以東鑑白海螺孝高上東鑑于神祖白海螺傳在其家其為孝高勝雅明矣今從家忠日記秀吉譜松榮紀事氏邦說氏政以其言。氏政曰。我領關東八州

久矣。今封以二國。不如戰死之為愈。氏邦固諫之。氏政不聽。

城中窘迫日甚。氏直度其難守。七月五日。誅松田憲秀。率山

上鄉右衛門。諏訪部宗右衛門來神祖之營乞降。神祖曰。卿

吾壻也。嫌於左右之。宜就羽柴下總守。乞降關白。氏直輒至

勝雅之營曰。吾不忍見城兵之困弊。故今來降。儻蒙殿下之

惠。氏政以下城兵免死。則當以明日去城。勝雅告之秀吉。秀

吉許之。氏直喜而還。七日。神祖使神原康政并伊直政。本多

忠勝取小田原城。秀吉使脇坂中務少輔安治。外介安明子初稱甚內

片桐且元監之。七口諸軍皆解圍。是日至九日。放城兵脫去。

安治且元禁諸軍鈔掠。九日。氏政氏照徙居田村安栖家。秀

吉謂神祖曰。吾茲東征。欲討北條氏之不庭也。今一槩釋之。

則似與前言不相副。宜殺氏政氏照而釋氏直。神祖然之。十

日。神祖遷于小田原城。十一日。秀吉遣石河備前守光吉。中

日。神祖遷于小田原城。十一日。秀吉遣石河備前守光吉。中

日。神祖遷于小田原城。十一日。秀吉遣石河備前守光吉。中

日。神祖遷于小田原城。十一日。秀吉遣石河備前守光吉。中

日。神祖遷于小田原城。十一日。秀吉遣石河備前守光吉。中

村一氏。時田權之助。佐佐淡路守於醫師安栖家。監氏政氏照之自盡。神祖亦遣榊原康政。光吉一氏等欲傳秀吉之命。氏照覺之。與氏政請湯沐。竟自殺。氏政時年五十二。氏規介錯氏政。凡剗腹自盡者。從旁截其首。俗謂之介錯。欲以其刀自殺。監使止之。氏照侍童山角牛太郎伺間。抱氏照首出走。衆追之。奪還其首。神祖聞之。賞其幼而勗義。召隸麾下。後賜食邑一千石。監使獻氏政氏照之首。秀吉視之曰。此屈彊不畏朝憲者。乃命石田三成梟之。京師一條反橋。十二日。秀吉放氏直於高野山。氏規氏勝。松田直憲。山上鄉右衛門。大道寺孫九郎。內藤左近。諏訪部宗右衛門。金田大膳等三十人。士卒三百餘人從行。

秀吉頗善遇之。

年譜創業記家忠日記秀吉譜松榮紀事

臣按。北條氏政藉五世之資。握八州之權。國富兵彊。當時無與抗衡者。關白秀吉公遣使敦諭。使之朝京師。以供藩臣之職禮也。氏政父子傲忽。以為我豈俛首立彼下風乎。彼儻怒而興師。何足介意。彼雖彊盛。而狃勝關西之弱敵。未接海東之勁兵。焉能百里出師。得越宮根之天險。而攻小田原哉。縱彼能來。不過如昔時平軍駭富士川之鳥聲。而潰走耳。故待其使甚疎。而遷延歲月。竟不來朝。秀吉公赫怒曰。彼比我於維盛耶。是弗可忍也。遂假王命。以討不庭。師出有名。所向克捷。譬如疾風之掃槁葉。厥功偉矣。自

古負固憑險。不修德而唯力是視者。鮮不敗亡。如蜀譙縱。孟昶是已。夫以氏綱氏康之將略。縮衣節食。撫循士卒。櫛風沐雨。勤勞戎馬。故能開拓封疆。雄於關東。而子孫坐享富貴。習以為常。君臣驕汰。不究守禦之術。五世基址。一朝失之。遂開神祖之霸業。傳曰。不有廢也。君何以興。此雖曰人事。而推其所由。豈非天意也耶。

十三日。秀吉入小田原城。大封諸侯。以伊豆相摸武藏上野上總下總封神祖。松榮紀事加下野安房為八州。按此時蒲生秀行在下野里見義康在安房。不應封神祖。諸書或加常陸以為八州。老人雜話曰。太閤雖以關東八州封神祖。佐竹氏封常陸。實六州也。其說為得。今從關原記。大舍定以江州地九萬石。為朝于京師之資。以石部關地為六州。

藏四日市場白須賀米野中泉清見寺等地一千石島田二

千石為遊獵地。年譜創業記家忠日其稅凡二百五十五萬

七千石。關原合戰誌以參河遠江駿河甲斐信濃封內大臣信雄。

信雄辭曰。願依舊領。尾張伊賀伊勢。秀吉大怒曰。卿為泰巖

公之子。故封以五國。而今辭之。豈少之耶。遂輟不封。以尾張

清洲為東海道之要衝。割北伊勢五郡封中納言秀次。家忠日記

秀吉譜松榮紀事。○三書並曰。以參州吉田城十五萬石封

池田輝政。岡崎城五萬石封田中吉政。遠州濱松城十二萬

石封堀尾吉晴。懸川城五萬石封山內一豐。橫須賀城三萬

石封渡瀨左衛門佐以駿河封中村一氏。以甲斐封丹波少

將秀勝。加藤光泰。信州小諸城五萬石封仙石越前守伊奈

郡封毛利秀賴。諏訪郡封日根野織部正高。吉小笠原邑授

石川數正。按此皆秀吉之政。不關神祖之事。然慶長五年。流

石田三成。反諸將多起此地。盡忠于神祖。故附此以備攷流

信雄於出羽秋田剃髮號常真據織田家譜是歲七月封除

從年譜創業記家忠日記秀吉譜松榮紀事又據家譜自秋

田遷伊勢朝熊文祿元年赦之歸京給五千石按朝鮮征伐

記秀吉譜文祿元年將兵一千五百赴肥前名護屋召還蓋

在此時而以秀吉公之兵將之也其後常真居大阪天滿第

事在慶長十九年○家忠日記曰信雄挾虎狼之志故流之

按信雄果有異圖則秀吉公不應封以五國而信雄辭之固

欲就舊封不知尾張為用武之地十四日秀吉發小田原如

故秀吉公疑之此其所以許意也

奧州以問伊達政宗之叛服十五日至江戶城大道寺政繁

以北條氏之世臣先衆而降為利家景勝之前驅攻關東諸

城秀吉惡其不忠戮之於櫻田家忠日記

松榮紀事

臣按大道寺政繁四世之祖從北條早雲來于關東開拓

基業七人之一而居松枝城世秉政柄一旦見北兵之彊

不能死守疆圉而首降於前田利家為之先導肆其反噬

秀吉公誅之以懲不臣者頗有漢高戮丁公之風此不可

與殺降不祥者同日而語矣

秀吉給小田原倉粟數十斛於神祖留典倉計會之神祖使

伊奈忠次勾當其事典倉欲量其數授之忠次曰軍中不可

稽延數日倉有定簿與子交印封倉足矣典倉從之至秀吉

之營告之秀吉怪其速辨問其故典倉以實對秀吉累稱神

祖之能得人也鷲峰文集伊奈忠次碑松榮紀事八月朔神祖入江戶城世

稱武藏大納言賞遠山丹波守真田信尹之功各增食邑五

千石給一萬石○家忠日記松榮紀事並曰二人怨其賞薄

往京師請事秀吉秀吉曰關東八州德川氏

所領吾不得處分之。二人流寓奧州。事蒲生氏。秀吉進至下

野宇都宮。召本多忠勝。賜堯整曰。此或人所獻。相傳佐藤忠

信之首鎧也。今擇軍中勇士。非汝無以可蒙者。故今授汝。忠

勝拜謝。傳子孫以為寶。家忠日記。松榮紀事。本多家譜。○三

山文集。忠信曾記。蓋出自紀州熊野神宮。忠勝家素有。六日。

一胃號鹿角。傳之於長子忠政。授忠信曾於次子忠朝。

結城晴朝致仕。秀吉以結城十萬石封其女婿。參河守秀康

為嗣。秀康事蹟。伊達政宗歸順。秀吉迎之于那須野。南部大膳大

夫信直亦來謁。告其臣九戶城主九戶修理亮政實反。信直南部

三郎光行之裔。左衛門尉。高信子。政實信直伯父。秀吉令蒲生氏鄉及政宗討之。政

實聞之降。秀吉封氏鄉於奧州會津。給大沼安積二本松白

河四十二萬石。居若松城。以鎮奧州。以政宗所領葛西大崎

三十萬石封木村伊勢守貞重。初稱彌一。右衛門。給出羽米澤長井

三十萬石於政宗。家忠日記。秀吉譜。松榮紀事。十九日。秀吉將還京師。留

淺野長政。石田三成。大谷刑部少輔吉繼。籍奧州土地。校田

畝。家忠日記。松榮紀事。秀吉以加藤光泰為使。諭駿府城代本多重次

曰。吾拔小田原城。以關東八州地封德川氏。收駿遠參甲信

五州地。振旅還京師。今夜當宿府城。城代須守旨。麗掃城郭。

重次對曰。主君多年領駿府。將士妻孥悉在城中。新封八州。

誠雖可喜。而諸州城郭。經亂荒廢。恐主君不得一日安居。而

今授城殿下。則似棄主君於郊野。妻孥之心。其能安乎。必不

得已。請取主君書牒來。不然臣不敢奉命。光泰復命。秀吉又使光泰諭之曰。吾非收城。唯欲一宿耳。重次固執不聽。謂群下曰。不聞公命。則不能一夜避城。關白多智謀。其意不可保。君輩不見信。雄卿之事乎。吾不能踏其覆轍。儻蒙譴責。則吾當伏其辜。不敢累諸君矣。守備益嚴。秀吉不得已。過城下次。野外。神祖聞之大驚。遣本多忠勝。神原康政於行營。陳謝曰。城代本多作左衛門。舉措無禮。下官所不與知。甚恐懼。秀吉聞之。反稱賞之曰。田舍翁剛直之士。所言非無其理。吾於家康卿。毫無所挾。如作左衛門。可謂能堪留寄之任矣。然神祖猶憚秀吉。落重次之職。勒令致仕。錮於上總井戶鄉。給三千

石。竟死于此。上總井戶。松榮紀事作上野小井戶。今從家忠日記。○按諸書重次素彊直。大政所為質在岡

崎城。重次與井伊直政護之。每厲聲曰。京師若有變。吾立燒殺大政所。大政所每聞大恐。還京師告之。秀吉是春秀吉欲

借神祖諸城。重次固諫。不欲借之。秀吉聞而銜之。至是謂神祖曰。本多作左衛門。往年恣迎其任。子仙千代還岡崎。今吾

東行至岡崎城。作左衛門。就加藤遠江守請謁。我不之許。甚無禮。宜黜之。神祖不得已。錮之。按是時秀吉公使吉川廣家

守岡崎城。重次為城代。在駿府。無出謁岡崎之理。事實既外。秀吉公銜重次。則或有之。大度不介意。反稱賞之。蓋得其實也。今從一本。

是月。神祖頒給采地於諸將。上野箕輪城十二德川記抄。

萬石於井伊直政。○家忠日記。松榮紀事曰。是後。館林城十

萬石於神原康政。廐橋城五萬石於平巖親吉。○家忠日記。松榮紀事作

四萬石。關原合戰誌。三萬石。未知孰是。藤岡城三萬石於松平康貞。松平新六

依田氏。賜兄源十郎。碓氷城三萬石於酒井家次。小幡城三

康國食邑。見上文。

萬石於奧平信昌。家忠日記松榮紀事並曰宮崎二萬石今從奧平系圖關原合戰誌白井城

二萬石於本多廣孝。應古城二萬石於牧野康成。○應古或作大胡國

音相吉井城二萬石於菅沼定利。阿布城一萬石於菅沼定

近。○阿布或作安生國音相近那波城一萬石於松平家乘。○那波或作

近。布川五千石於松平信一。○按布川下總之地說見慶瓶

尻五千石於松平近正。松榮紀事瓶尻作上州新川桐原三

千石於稻垣長茂。家忠日記曰稻垣平右衛門長茂牧野市

原邑五千石於阿部伊豫守正勝。初稱善右衛門奈化川邑

五千石於西尾吉次。上總大多喜城十萬石於本多忠勝。久

留利城三萬石於大須賀忠政。鳴渡城二萬石於石川康通。

佐貫二萬石於內藤家長。裳原五千石於大久保忠佐。五井

五千石於松平家信。勝浦三千石於植村泰忠。山口邑及武

藏稻毛峯邑二千石於坪內喜太郎利定。後稱玄上總下總

數邑一萬二千石於岡部長盛。下總矢矯城四萬石於鳥居

元忠。○矢矯或作矢古河城二萬石於小笠原秀政。關宿城

二萬石於松平康元。相馬城一萬石於土岐定政。佐倉地五

千石於本多縫殿助康俊。酒井忠次第二子本多彦八五千

石於山本成行。一萬石於三浦監物。○德川歷代曰五月佐

巖築城戰死神祖惜之問忠政曰義成有子否忠政對曰有

子稱作十郎重成神祖召之問其家世重成對曰臣父義成

佐原十郎義連嫡子遠江守盛連十四世孫而三浦氏之裔

也神祖賜重成食邑一萬三千石稱三浦監物據諸書先是

其父既稱三浦監物則使其子襲稱之也。蘆戶一萬石於木

歷代名諱多杜撰難為憑據附備一說。曾干二郎義就。左馬頭義昌子生實五千石於西鄉家員。○

實或作小弓。小布三千石於松平定勝。○松榮紀事小布作小南未知孰是今姑

從家忠。飯沼五千石於松平外記伊昌。太郎左衛門景忠某

邑一萬三千石於久野宗能某邑一萬石於保科甚四郎正

光。彈正忠正直子相摸武藏下總數邑五千石於高木清秀。

武藏寄西城二萬石於松平康重。巖築城二萬石於高力清

長。忍城一萬石於松平家忠。○按忍城主成田長氏降于秀吉其後諸書無所見蓋放之也

松山城一萬石於松平家廣。川越城二萬石於酒井重忠。羽

生城一萬石於大久保忠鄰。東方城一萬石於松平康長。八

幡山城一萬石於松平清宗。深谷城一萬石於松平康直。本

莊城一萬石於小笠原信嶺。舊信州松尾城主川越屬邑五千石於

酒井忠世。三千石於酒井忠利。石戶邑五千石於牧野讚岐

守康成。先是右馬允康成更稱讚岐守柄間邑五千石於內藤正成。久志羅

井邑五千石於戶田一西。貝賀尾邑五千石於三宅康貞。松榮

紀事貝賀尾作武州瓶尻今從家忠日記內野五千石於其弟彌次兵衛正貞。葛

蒲五千石於柴田康忠。禮羽三千石於設樂貞光。奈良之和

蛭川一萬二千石於諏訪賴忠。某邑五千石於永井直勝。五

千石於神谷彌五郎。一千石於高木善二郎正次。主水正清

主水比企郡地三千石於渡邊守綱。家忠日記松榮紀事書賜三千石而國邑關今

從諸士相摸小田原四萬石於大久保忠世。○家忠日記松榮紀事曰後增

石五千甘繩一萬石於本多正信。○松榮紀事作佐倉地一萬石今從家忠日記但家忠日

記甘繩作玉輸語音轉訛中郡五千石於青山忠成當麻五千石於內藤

彌三郎清成。○家忠日記松榮紀事作正成按內藤系圖清成金田氏子仁兵衛忠政子養之後稱修理亮

正成四郎左衛門名也今訂之伊豆韭山城一萬石於內藤信成梅繩五千

石於石川家成下田五千石於戶田忠次其餘給將士采邑

各有差。家忠日記松榮紀事給北條氏勝下總巖留城一萬二千石隸

麾下又分中外之士為五隊以井伊直政本多忠勝榊原康

政石川康通平巖親吉為隊長每隊更番京師伏見。松榮九

月朔關白秀吉還京師十月奧州葛西大崎賊起攻木村貞

重及其子彌一右衛門貞重父子兵敗保佐沼城賊圍之貞

重父子乞援于蒲生氏鄉遣使江戸告狀神祖與伊達政宗

約勦力救之十一月氏鄉將兵至黑川使政宗攻鹿沼中新

田寨拔之朔日約攻高清水寨政宗潛與賊通故稱疾不出

師氏卿獨進攻名生城拔之斬城兵五百八十餘人使關忠

五郎為後軍以備政宗政宗來氏卿之營謝以有疾不攻名

生城氏卿使政宗攻宮澤城以贖其罪政宗攻下之賊據高

清水古河松山城聞宮澤城陷皆棄城走進攻佐沼城賊亦

解圍而走氏卿屯名生貞重父子來謝援助之勞政宗隊將

須田伯耆有憾于政宗來告政宗與賊通謀氏鄉怒與政宗

絕。淺野長政自奧州至甲斐信濃。校田畝。十二月。事竣將還京師。聞奧州賊起。來江戶。告神祖。急赴奧州。屯二本松。神祖將出師討之。以參河守秀康為將。榊原康政為前鋒。政宗聞之。懼。來長政之營。披陳其無反心。長政使政宗以伊達藤五郎成實。片倉小十郎成重為質。成實輝宗弟。政宗叔父。後稱安房守。成或作重。秀吉聞亂。將發兵討之。先遣石田三成於江戶。使神祖出軍。三成直赴巖城相馬。諭佐竹右京大夫義宣擊之。家忠日記。四家義宣常陸介。義重子。世領常陸。○年譜創業記。並曰。二十一日。氏鄉屠妙城。悉殺賊徒。據家忠日記。四家合考。十九日。氏鄉拔名生城。二十八日。成實成重為質。至名生城。蓋妙名生國音相近。而年譜據報至之日。書之也。今節略其事。而不係日。二十九日。世子叙從四位下。為侍從。以酒井忠世輔佐世

子。家忠日記。是歲。松平忠吉叙從五位下。為下野守。封武田

五郎信吉於下總小金邑。食三萬石。源流。綜貫。大田新六郎重政

新六郎康資子。道灌五世孫。初謁神祖。留仕麾下。家忠日記。以故世子信

康女嫁小笠原秀政。松榮紀事。○秀吉譜曰。十二月。秀吉誅

使神祖及前田利家。細川忠興。德善院玄以詰問之。宗陳懷

刃辭氣不撓。事若不濟。將自裁。神祖熟視察其情。曰。須就玄

以謝罪。以解關白之怒。玄以明年將有奧州之役。不遑及他事。疑

明年春。神祖在京師。時事然。諸

松井甲太郎書

